

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti – za zdravstvo“, broj: 02-11-9547/23 od 09.06.2023. godine i članom 12. Sporazuma o zajedničkom finansiranju Projekta izgradnje objekta ambulate porodične medicine u Željeznom Polju, Općina Žepče, broj: 11-11-5223-3/23 od 12.07.2023. godine, na prijedlog Ministarstva zdravstva, Vlada Zeničko-dobojskog kantona, na 30. sjednici, održanoj dana 03.08.2023. godine, d o n o s i

ODLUKU

o odobravanju sredstava JU „Dom zdravlja sa stacionarom“ Žepče za sufinansiranje izgradnje objekta ambulate porodične medicine u Željeznom Polju, Općina Žepče

Član 1.

(Predmet)

(1) Odobravaju se sredstva JU „Dom zdravlja sa stacionarom“ Žepče u iznosu od 200.000,00 KM (slovima: dvijestotinehiljada konvertibilnih maraka) za sufinansiranje izgradnje objekta ambulate porodične medicine u Željeznom Polju, Općina Žepče.

(2) Obavezuje se JU „Dom zdravlja sa stacionarom“ Žepče da provede postupak javne nabavke u skladu sa Zakonom o javnim nabavkama („Službeni glasnik Bosne i Hercegovine“, broj: 39/14 i 59/22) i podzakonskim aktima koji su doneseni u skladu sa zakonom.

(3) Obavezuje se JU „Dom zdravlja sa stacionarom“ Žepče da Ugovor o izvođenju građevinskih radova zaključen sa izabranim ponuđačem dostavi Ministarstvu zdravstva u roku od 7 dana od potpisivanja ugovora.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.

(2) Sredstva odobrena Odlukom će se transferisati u ukupnom iznosu na osnovu ove odluke, na račun JU „Dom zdravlja sa stacionarom“ Žepče broj: 3383102200025004 otvoren kod UniCredit banke, Poslovnica Žepče.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU „Dom zdravlja sa stacionarom“ Žepče, svako u okviru svoje nadležnosti.

Član 4.

(Izještavanje)

(1) Obavezuje se JU „Dom zdravlja sa stacionarom“ Žepče da do 15.02.2024. godine izvijesti Ministarstvo zdravstva o statusu realizacije Projekta na dan 31.12.2023. godine i dostavi Izvještaj o namjenskom utrošku sredstava odobrenih ovom odlukom u kojem će biti specificirane sve privremene situacije ispostavljene JU „Dom zdravlja sa stacionarom“ Žepče do 31.12.2023. godine, koje su finansirane sredstvima odobrenim ovom odlukom, sa kopijama privremenih

situacija u prilogu i dokazima o uplati sredstava dobavljaču.

(2) U slučaju da odobrena sredstva ovom odlukom ne budu utrošena u cjelosti do 31.12.2023. godine, rok za pravdanje neutrošenih odobrenih sredstava je 31.07.2024. godine.

(3) U slučaju neizvršavanja ugovorenih obaveza u ugovorenim rokovima od strane izvršioca ugovorenih poslova, JU „Dom zdravlja sa stacionarom“ Žepče je dužna odmah izvijestiti Ministarstvo zdravstva.

(4) U slučaju nepostupanja prema članu 4. stav (1), (2) i (3) ove odluke, JU „Dom zdravlja sa stacionarom“ Žepče je dužna odobrena sredstva uplatiti u korist Budžeta Zeničko-dobojskog kantona.

Član 5.

(Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Broj: 02-11-12315/23

Datum, 03.08.2023. godine

Z e n i c a

Amra Mehmedić

DOSTAVLJENO:

1x Ministarstvo zdravstva,

1x Ministarstvo finansija,

1x JU „Dom zdravlja sa stacionarom“ Žepče, putem Ministarstva,

1x „Službene novine Zeničko-dobojskog kantona“,

1x a/a.